

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



**საქართველოს ახალგაზრდა იურისტთა
ასოციაცია 15 ივნისის ინციდენტში
მონაწილე პოლიციელების მიმართ
სისხლის სამართლის საქმის აღძვრას
ითხოვს**

დღეს, საქართველოს ახალგაზრდა იურისტთა ასოციაციამ განცხადებით მიმართა

ჯ. კახიძის #15, თბილისი, საქართველო, 0102 ; ტელ: (995 32) 95 23 53; ფაქსი: (995 32) 92 32 11; ელ-ფოსტა: gyla@gyla.ge; www.gyla.ge
15, J. Kakhidze str. 0102, Tbilisi, Georgia. Tel: (995 32) 95 23 53; Fax: (995 32) 92 32 11; E-mail: gyla@gyla.ge; www.gyla.ge

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საქართველოს მთავარ პროკურორს და შსს სამმართველოსთან მომხდარ ინციდენტში მონაწილე შსს თანამშრომელთა მიმართ სისხლის სამართლის საქმის აღძვრა მოითხოვა აქციის მონაწილეთა დარბევისა და დაკავებულთა ცემის ფაქტზე.

საქართველოს ახალგაზრდა იურისტთა ასოციაციის თავმჯდომარე თამარ ხიდაშელი მიესალმება შსს განცხადებას იმის თაობაზე, რომ 15 ივნისს, თბილისის პოლიციის მთავარ სამმართველოსთან მომხდარი ინციდენტის გამო სასტიკი საყვედური გამოეცხადა 2 თანამშრომელს, საყვედური – 4 თანამშრომელს, ხოლო სამ თანამშრომელს შეუჩერდა უფლებამოსილება გამოძიების დასრულებამდე.

ამავე დროს, საქართველოს ახალგაზრდა იურისტთა ასოციაცია მიიჩნევს, რომ აუცილებელია დამატებითი ღონისძიებების გატარება შსს-ს და მთავარი პროკურატურის მხრიდან. გადარჩენილ ვიდუო და ფოტო მასალაზე აღბეჭდილი კადრებიდან ნათლად ჩანს, თუ როგორ უსწორდებიან შსს თანამშრომლები და სამოქალაქო ფორმაში ჩაცმული პირები აქციის მონაწილეებს და შემთხვევით სამმართველოს ტერიტორიაზე აღმოჩენილ გამვლელებს.

საქართველოს ახალგაზრდა იურისტთა ასოციაციის აზრით, აღნიშნული პირების ქმედებებში იკვეთება სისხლის სამართლის დანაშაულის ნიშნები. შესაბამისად, საია მიიჩნევს, რომ აუცილებელია იმ პირების მიმართ, რომლებიც მონაწილეობდნენ აქციის მონაწილეების დარბევაში და დაკავების შემდეგ სცემეს დაჩი ცაგურია, მიხეილ მესხი, ვალერიან გრძელიშვილი, გიორგი ჩითარიშვილი და სხვები სისხლის სამართლის საქმის აღძვრა წამების, დამაცირებელი და არაადამიანური მოპყრობის, ცემისა და სამსახურებრივი უფლებამოსილების გადამეტების ფაქტებზე.

[იხილეთ საიას განცხადება მთავარი პროკურორის სახელზე.](#)